

predstavlja prostor rada - iskopavanja;

4.2. Pomoćni objekti i uređaji koji se postavljaju u toku arheoloških iskopavanja služe isključivo potrebama radova na lokalitetu;

4.3. Etape realizacije arheoloških iskopavanja definirat će se u skladu sa etapnim arheološkim nalazima, a u skladu s tim etapno će se proširivati zona arheoloških iskopavanja;

4.4. Mjere zaštite, obezbjeđenja i ograničenja provodit će se tokom arheoloških iskopavanja na samom lokalitetu, kao i u neposrednoj kontakt zoni, a u cilju zaštite ljudskih života, materijalnih dobara, očuvanja kulturne i prirodne baštine;

4.5. Privremeni režim saobraćaja - kolskog i pješačkog, provodit će se u skladu sa etapama realizacije arheoloških iskopavanja;

4.6. Postojeći vodovi komunalne infrastrukture trajno se izmještaju u skladu sa Programom arheoloških istraživanja.

#### Član 5.

Rukovođenje i neposredan nadzor nad radovima arheoloških istraživanja i iskopavanja vršit će Kantonalni zavod za zaštitu kulturno-historijskog i prirodnog naslijeđa.

#### Član 6.

Finansijska sredstva potrebna za realizaciju arheoloških istraživanja na lokalitetu Isa-begove tekije na Bembaši u skladu sa članom 5. obezbijedit će se putem godišnjih programa i planova finansiranja grada Sarajeva i Općine Stari Grad, te drugih izvora sredstava namijenjenih ovim istraživanjima.

Utrošak sredstava vršit će se na bazi finansijskog predračuna u sklopu Programa arheoloških istraživanja lokaliteta Isa-begove tekije na Bembaši.

#### Član 7.

Odluka o režimu arheoloških istraživanja i zaštite lokaliteta Isa-begove tekije primjenjivat će se u periodu od šest mjeseci, odnosno do 24. maja 2001. godine.

#### Član 8.

Rezultati arheoloških istraživanja definiraće konačno uređenje i odrediti uvjete revitalizacije i zaštite predmetnog prostornog obuhvata - lokaliteta. Prostorni obuhvat za koji se donosi Odluka sastavni je dio prostornog obuhvata Regulacionog plana rekreaciono-sportskog područja Bembaša (Odluka o pristupanju izradi Regulacionog plana sportsko-rekreacionog područja Bembaša od 27. 04. 1995. god. - "Službene novine Grada", broj 5/95).

#### Član 9.

Odluka o režimu arheoloških istraživanja i zaštite lokaliteta Isa-begove tekije stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-178/2000 Predsjedavajući Općinskog vijeća  
24. novembra 2000. godine Stari grad Sarajevo  
Sarajevo mr. **Ismet Ovčina**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari Grad Sarajevo, na sjednici održanoj 24. novembra 2000. godine, donijelo je

### ODLUKU

#### O IZDVAJANJU SREDSTAVA OPĆINE ZA URGENTNU ZAŠTITU OBJEKATA OD POSEBNOG KULTURNO-HISTORIJSKOG ZNAČAJA

##### I

Na ime materijalnog doprinosa urgentnoj zaštiti objekata od posebnog kulturno-historijskog značaja, smještenih na području

općine Stari Grad, koji predstavljaju neposrednu opasnost po živote ljudi, materijalna dobra i putne komunikacije, općina Stari Grad Sarajevo će za svaki pojedinačni objekat, koji je moguće i nužno zaštititi, izdvajati novčani iznos od 1/3 ukupno potrebnih sredstava.

##### II

Novčana sredstva iz prethodne tačke izdvajat će se iz sredstava ostvarenih po osnovu zakupnine za poslovni prostor u vlasništvu Općine i zakupnine za korištenje javnih površina na području općine Stari Grad Sarajevo, a u skladu sa optimalnim finansijskim mogućnostima Općine u tekućem periodu.

##### III

Općinski načelnik će izdvajati sredstva u naznačene svrhe nakon obezbjeđenja ukupno potrebnog iznosa sredstava za sanaciju određenog objekta putem Gradske uprave i Vlade Kantona Sarajevo, odnosno drugih subjekata koji po Zakonu imaju nadležnost i odgovornost u zaštiti kulturno-historijskog naslijeđa.

##### IV

Ova odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-177/2000 Predsjedavajući Općinskog vijeća  
24. novembra 2000. godine Stari Grad Sarajevo  
Sarajevo **Ismet Ovčina**, s. r.

### FEDERALNI ZAVOD ZA STATISTIKU

Na osnovu člana 25. Zakona o zaštiti obitelji s djecom ("Službene novine Kantona Sarajevo", broj 4/98) i Zakona o izmjenama i dopunama Zakona o zaštiti obitelji s djecom ("Službene novine Kantona Sarajevo", broj 15/98) kao i u skladu sa članom 3. stav 4. Uredbe o subvencioniranju troškova boravka djece u predškolskim ustanovama na području Kantona Sarajevo ("Službene novine Kantona Sarajevo", br. 10/97 i 11/98), Federalni zavod za statistiku, objavljuje

#### SAOPĆENJE

#### O PROSJEČNOJ MJESEČNOJ NETO PLAĆI ZAPOSLENIH U KANTONU SARAJEVO ZA PERIOD MAJ/SVIBANJ - OKTOBAR/LISTOPAD I AUGUST/KOLOVOZ - OKTOBAR/LISTOPAD 2000. GODINE

1. Prosječna neto plaća po zaposlenom ostvorena u Kantonu Sarajevo za period maj/svibanj - oktobar/listopad 2000. godine iznosi 506,49 KM.

2. Prosječna neto plaća po zaposlenom ostvorena u Kantonu Sarajevo za period august/kolovoz - oktobar/listopad 2000. godine iznosi 518,41 KM.

Broj 49  
8. decembra 2000. godine Direktor  
Sarajevo **Munira Zahiragić**, s. r.

### SLUŽBENE OBJAVE

#### LIKVIDACIJE

Kantonalni sud u Sarajevu, objavljuje slijedeći

#### O G L A S

Likvidaciono vijeće Kantonalnog suda u Sarajevu rješenjem broj L-70/99 od 29. 11. 2000. godine, otvorilo je i istovremeno zaključilo postupak likvidacije nad firmom Preduzeće za građevinarstvo, inženjering, export-import i trgovinu "BOSNIAN GENERAL CONTRACTORS" d.o.o. Sarajevo sa sjedištem u Sarajevu, ulica Hamdije Kreševljakovića broj 23.